

आकाशवाणी

- 1 राश्ट्रपति द्रौपदी मुर्मु अज्ज ओडिशा च त्रै रेलवे लाइन प्रोजेक्टें गी शुरू करगंन।
2. प्रधानमंत्री नरेन्द्र मोदी अज्ज अहमदाबाद च बोचासन्यासी अक्षर पुरुषोत्तम स्वामी नारायण संस्था स्वर्ण जयंति समारोह गी वर्चुअली संबोधत करगंन।
3. केन्द्र नै तमिलनाडू लेई 944 करोड़ रपे गी तूफान फैंजाल राहत दे तौरा पर मंजूरी दिक्ती। केन्द्रीय टीम पास्सेआ आकलन रिपोर्ट दे मगरा होर फंड देने दा कीता वायदा।
4. भारत नै पैहली बारी नशाखोरी कन्नै जुड़ी दी संयुक्त राश्ट्र आयोग दी अध्यक्षता कीती।
5. विदेश मंत्रालय नै भारतीय गी मजूदा हालात गी दिक्खदे होई सीरिया दी यात्रा नेई करने लेई आखेआ ऐ।
- 6 भारतीय विदेशी मुद्रा भंडार 29 नवम्बर गी खत्म होए दे हफते च 1 अरब 51 करोड़ डॉलर थमां बधियै 658 अरब 9 करोड़ डॉलर होई गेआ ऐ।
- 7 जूनियर महिला हॉकी एशिया कप अज्जै थमां ओमान दे मस्कट च शुरू होआ'रदा ऐ।

<><><><><><>

**President Rail Lines**

राश्ट्रपति द्रौपदी मुर्मु होर अज्ज ओडिशा च त्रै रेल लाइनें दा नीह पत्थर रक्खडन। इंदे च बांगड़ीपोसी थमां गौमाहीसानी तगर दी 86 किलोमीटर लम्मी रेल लाईन, बड़मपहाड़ थमां केंदूझारगढ़ ते बुडामोरा थमां चाकुलिया रेल लाइनां शामिल न। एह रेल लाइनां मयूरभंज ज़िले दे बांगरीपोसी च न। इनें रेल लाइनें गी प्रधानमंत्री नरेन्द्र मोदी हुंदी अध्यक्षता च आर्थिक मामलें दी मंत्रिमंडल समिति नै मंजूरी दिक्ती ही। इनें नमीं रेल लाईनें कन्नै ओडीशा दे महत्वपूर्ण इलाकें तोहड़ी रेल संपर्क स्थापित होग ते आर्थिक विकास गी बी बल मिलोग। राश्ट्रपति मुर्मु मंगलवार थमां 5एं दिनें दे ओडिशा दौरे पर न। ओह अज्ज दिल्ली परतोडन। आकाशवाणी दे संवाददाता दी रिपोर्ट मूजब, बांगड़ीपोसी थमां गौमाहीसानी तगर दी रेल

लाईन द राहें मयूरभंज जिले च संपर्क सुविधा च बाददा होग। इस परियोजना उप्पर अंदाजन कोई 2 जहार 549 करोड़ रुपें दी लागत औग।

<><><><><><>श

## PM Modi

प्रधानमंत्री नरेन्द्र मोदी अज्ज अहमदाबाद च बोचासन्यासी अक्षर पुरुषोत्तम स्वामी नारायण संस्था स्वर्ण जयंति समारोह गी वर्चुअली संबोधत करगंन। इस मौके पर गृहमंत्री अमित शाह, गुजरात चे मुख्यमंत्री भूपेन्द्र पटेल हुंदे कन्नो कन्नी राज्य कैबिनेट मंत्री बी इस समारोह च शामिल होने लेई अहमदाबाद दे नरेन्द्र मोदी स्टेडियम च मजूद रौंहगन। आकाशवाणी संवाददाता दी रिपोर्ट मूजब इस कार्यक्रम च 1 लक्ख बाप्स स्वयंसेविणं गी सम्मेलन कीता जाग। बोचासन्यासी अक्षर पुरुषोत्तम स्वामी नारायण संस्था बाप्स दे स्वयंसेवकें दी सेवा गी सम्मानत करने आस्तै साल भर चलने आले कार्यक्रम स्वर्ण महोत्सव दा उद्घाटन 28 जनवरी 2024 गी महंत स्वामी महाराज होरें कीता हा। महान स्वर्ण समारोह अज्ज नरेन्द्र मोदी स्टेडियम च अज्ज सम्पन्न होग। इस कार्यक्रम च दुनिया दे 30एं मुख्खे थमां इक लक्ख थमां बद्ध स्वयंसेवक हिस्सा लैंगन। महोत्सव च बक्ख-बक्ख तौर तरीके कन्नै स्वशसेवकें दे योगदान ते अलिदानें गी उजागर कीता जाग।

<><><><><><>श

## Center Approves

गृह मंत्रालय नै चक्रवाती फैंजाल कन्नै प्रभावत तमिलनाडू गी राज्य आपदा राहत कोष थमां 944 करोड़ 80 लक्ख रुपे दी रकम जारी करने दी मंजूरी देई दित्ती ऐ। अंतर मंत्रालयी केन्द्रीय दल दी रिपोर्ट मगरा बाकी प्रभावत राज्येंग ी बी मदाद दित्ती जाग। तूफान कन्नै होए दे नुकसान दा जायजा लैने लेई केन्द्रीय दल गी तमिलनाडू ते पुडुचेरी भेजेआ गेआ ऐ। गृह मंत्री अमित शाहहोरें इक सोशल मीडिया पोस्ट च आखेआ जे फैंजाल तूफान कन्नै निबडने लेई केन्द्र सरकार तमिलनाडू दे लोकें कन्नै मोंडे कन्ने मोंडा लाइयै खडोती दी ऐ।

<><><><><><>

## India UN

भारत, संयुक्त राष्ट्र दी नशीले पदार्थे दी रोकथाम सरबंधी आयोग दे 68में इजलास दी अध्यक्षता करोग। आस्ट्रिया दी राजधानी वियना च, संयुक्त राष्ट्र च भारत दे स्थायी प्रतिनिधि शंभु कुमारन होरें कल आयोग दे अध्यक्ष दा ओह्ददा सांभेआ। एह पैहली बारी ऐ जिलै भारत गी संयुक्त राष्ट्र दी इस महत्वपूर्ण संस्था दी अध्यक्षता लेई नामित कीता गेआ ऐ। एह वैश्विक मंच पर भारत दी बधदी नेतृत्व भूमिका ते अंतरराष्ट्री मुद्दे गी हल करने दी ओह्दी वचनबद्धता गी दर्शादा ऐ। इस आयोग दे कम्मं च नशीले पदार्थे कन्नै जुड़े दे आलमी सतह दे मामलें दी निगरानी करना ते नीतियां बनाने च सदस्य देशें दा सैह्योग करना शामिल न।

<><><><><><>श

## MEA Syria

पच्छिम एशियाई देशें च मजूदा स्थिति गी दिक्खदे होई भारती नागरिकें गी अगली अधिसूचना तगर सीरिया दी जात्तरा थमां बचने दी सलाह दित्ती गई ऐ। अज्ज जारी इक सलाह च विदेश मंत्रालय नै सीरिया च मजूद भारतीयें गी आखेआ ऐ जे ओह् अपडेट लेई दमिश्क च भारतीय दूतावास दे संपर्क च रौहन। दूतावास दा एमरजेन्सी हेल्पलाइन नंबर +963 993385973 ऐ ते ईमेल आईडी [hoc.damascus@mea.gov.in](mailto:hoc.damascus@mea.gov.in) ऐ। जेह्ड़े बी लोक उत्थुआं बाहर जाई सकदे न उनें'गी तौले शा तौले, जेह्डी कोई बी बवसायिक डुआरी उपलब्ध होंदी ऐ, ओह्दे राहें उत्थुआं जाने दी सलाह दित्ती गई ऐ। होरनें लोकें गी गुजारश कीती गई ऐ जे ओह् अपनी सुरक्षा दे बारै च बड़ी मती सावधानी बरतन ते अपनी आओजाई गी भलेआं घट्ट करी देन।

<><><><><><>श

## India Forex Reserve

भारत दा विदेशी मुद्रा भंडार 29 नवंबर गी खत्म होए दे हफ्ते च 1 अरब 51 करोड़ डॉलर बधियै 658 अरब 9 करोड़ डॉलर होई गेआ ऐ। एह बाददा खासकरियै विदेशी मुद्रा परिसंपत्ति च बाददे कारण होआ ऐ जेह्ड़ा हून 568 अरब 85 करोड़ डॉलर होई गई ऐ। विशेष आहरण अधिकार बी 220 करोड़ डॉलर बधियै 18 अरब 1 करोड़ डॉलर दा होई गेआ ऐ। रिजर्व बैंक दे गवर्नर शक्तिकांत दास होरें दस्सेआ जे विदेशी मुद्रा भंडार महत्वपूर्ण ऐ कीजे एह्दा इस्तेमाल असामान्य हालात कन्नै निब्वड़ने, बजार च विश्वास ते समग्र माली स्थिरता बनाई रक्खने लेई कीता जंदा ऐ।

<><><><><><>

## Hockey Asia Cup 2024

जूनियर महिला हॉकी एशिया कप अज्जै थमां ओमान दे मस्कट च शुरू होग ते एहदे च 10 टीमां हिस्सा लैडन। चिली च होने आहले जूनियर एशिया कप एफआईएच जूनियर विश्व कप 2025 लेई क्वालीफाइंग इवेंट ऐ। पूल-ए च भारती जूनियर महिला टीम दा मुकाबला चीन, मलेशिया, थाईलैंड ते बांग्लादेश कन्नै होग, जदके पूल-बी च दक्खन कोरिया, जपान, चीनी ताइपे, हांगकांग ते श्रीलंका शामिल होडन। भारती जूनियर महिला टीम दी अगुवाई कप्तान ज्योति सिंह करडन, जदके साक्षी राणा उप-कप्तान होडन। भारत दी 5 खड्ढारनां ऐसिआं न, जेहड़ियां पिच्छले म्हीने एशियाई चैंपियंस ट्रॉफी जित्तने आहली टीम च शामिल हिआं। भारत ऐतवारें बांग्लादेश दे खलाफ जूनियर एशिया कप हॉकी अभियान दी शुरुआत करोग। टूर्नामेंट दा फाइनल 15 दिसंबर गी होग।

<><><><><><>श

## MEA Azhar

भारत नै पाकिस्तान गी आखेआ ऐ जे ओह 2001 च संसद पर हमले ज्नेय आतंकवादी हमलें दा षड्यंत्र रचने आहले ते बंदिश आले आतंकवादी गुट दे मुखिया मसूद अजहर खलाफ कार्रवाई करै। पाकिस्तान दे पंजाब सूबे दे बहावलपुर च इक इस्लामी कार्यक्रम दरान मसूद अजहर नै जेहड़ी भड़काऊ बयानबाजी कीती, ओहदे पर त्रिक्खी प्रतिक्रिया दे तौर पर भारत नै एह गल्ल आखी ऐ। पिच्छले 21एं बरें च मसूद अजहर नै पैहली बारी सार्वजनिक तौर पर कुसै कार्यक्रम गी संबोधित कीता ऐ ते इस मौके उन्नै भारत पर हमले करने दी गल्ल आखदे होई प्रधानमंत्री नरेन्द्र मोदी हुंदे खलाफ ऐतराज-जोग लफजें दा इस्तेमाल कीता। अजहर दी इस बुजदिलाना बयानबाजी दिएं रिपोर्टें बारै बोलदे होई विदेश मंत्रालय दे प्रवक्ता रणधीर जायसवाल होरें इक संवाददाता सम्मेलन दरान एह आखेआ कि जेगर एह गल्ल सच्च ऐ तां एहदे कन्नै पाकिस्तान दे बेईमानी आहले चरित्तर दा पता लगदा ऐ जे इक बक्खी ते ओह आतंकवादी गुट खलाफ कार्रवाई दे खोखले दावे करदा ऐ ते दुई बक्खी ऐसे आतंकवादिएं गी पनाह बी देआ करदा ऐ जेहड़े बन्ने पार होरनें मुखें च हमलें दी साजिश रचै करदे न।

<><><><><><>श

## KV Schools

केन्द्र सरकार नै मुख्य भरै च 85 नमें केन्द्र विद्यालय खोलने दी मंजूरी देई दित्ती ऐ। एहदे कन्नै गै कर्नाटक दे शिवमोगा च मजूदा केन्द्रीय विद्यालय दे विस्तार लेई सब्बने क्लासें च दऊं बाद्दू सेक्शनं गी जोड़ने कन्नै मंजूरी दित्ती ऐ। कल संजा नमीं दिल्ली च मंत्रिमंडल दी बैठक मगरा मीडिया गी जानकारी दिंदे होई सूचना ते प्रसारण मंत्री अश्विनी वैष्णव होरें आखेआ जे इनें नमें केन्द्र विद्यालयें दे खुल्लने कन्नै पूरे मुख्यै च तकरीबन 82 ज्हार 560 विद्यार्थिं गी सस्ती ते उच्ची गुणवत्ता आली शिक्षा हासल करने दा मौका थहोग। इस फैसले कन्नै 5 ज्हार 388 नियमित पदें दा निर्माण होग। मंत्री होरें घोषणा कीती जे नवोदय विद्यालय योजना तैहत देसी च 28 नमें नवोदय विद्यालय खोले जांगन।

<><><><><><>श

Read: Vikas Sharma

Stand By: Vijay Bajaj

Editor : Manoj Dogra

D.E.O. : Mukesh Gupta

Skilled : Rajat

## Cricket

भारत ते श्रीलंका बश्कार अंडर-19 एशिया कप दा सेमीफाइनल मुकाबला होआ। भारत नै इस मैच च गेंदबाजी दे बाद बल्लेबाजी च भी दमदार प्रदर्शन कीता ते सत्त विकेट कन्नै जित्त दर्ज करिए खिताबी मुकाबले च प्रवेश करी लैता। मध्यम गति दे तेज गेंदबाज चेतन शर्मा दी शानदार गेंदबाजी मगरा 13 बरें दे वैभव सूर्यवंशी दी दमदार अर्धशतकीय पारी दे दम पर भारत नै श्रीलंका गी 7 विकेट कन्नै हराईए अंडर-19 एशिया कप दे फाइनल च थाहर बनाई लैती ऐ। श्रीलंका नै पैहले बल्लेबाजी करदे होई 46.2 ओवर

च 173 रन बनाए। परते च भारत नै 21.4 ओवर च 3 विकेट पर 175 रन बनाईए जीत दर्ज कीती।

<><><><><><>